



9.2.2011

## Bátneduoddara dikšun- ja geavahanplánas geahččalit Akwé:Kon –rávvagiid

### **Eamiálbmogiid árbevirolaš dihtui guoskevaš ja biodiversitehtasoahpamuša 8j artihkkalii gullevaš Akwé:Kon –rávvagat leat váldon geahččalanatnui Bátneduoddara meahcceanaguovllu dikšun- ja geavahanplána dárkkisteamis.**

Akwé: Kon rávvagat leat dohkkehuvvon biodiversiteahtasoahpamuša 5. oassebeallečoahkkimis. Akwé:Kon –rávvagat leat vuosttažettiin meannudanvuohki dahje proseassa, man bokte dorvvastuvvojit sápmelaččaid váikkuhanvejolašvuodat dikšun- ja geavahanplána gárvvisteamis ja ohccojuvvojit vuogit, maid bokte sápmelaškultuvrii negatiivvalaš váikkuhusaid sáhtta caggat. Sámedikki dieđuid mielde Meahciráđdehus lea rávvagiid heiveheamis vuosttas virgeoapmahaš oppa máilmmis.

### **Sierra bargojoavku válmmaštallá**

Sámediggi ja Meahciráđdehus leat ráđdádallamiin gávnahan, ahte sierra bargojoavku válmmaštallá Akwé:Kon –rávvagiid heiveheami Bátneduoddara meahcceanaguovllu dikšun- ja geavahanplána gárvvisteamis. Sámedikki stivra lea nammadan bargojoavkku ja dat lea dievasmahttojuvvon bálgošiid ovddasteaddjiiguin. Bargojoavkku sátnajođiheaddjin doaibmá Heikki Paltto ja eará lahtut leat: Juhani Länsman, Bigga-Helena Magga, Nina Maarit West ja Inga-Briitta Magga sihke boazoisidat: Jouni Lukkari (Bátneduottar), Harri Hirvasvuopio (Sámi bálggus), Nils-Heikki Näkkäljärvi (Sállevárri).

Bargojoavkku sátnajođiheaddji Heikki Paltto jáhkka dán leat buori vuogi áššiid plánemis.

- Dát addá báikkálaččaide vejolašvuoda beassat mitalit oainnuideaset. Meannudanvuohki maiddá buktá rabasvuoda plánemii, Paltto gávnaha.

### **Váikkuhusat sápmelaškultuvrii árvvoštallojuvvojit oppa plánaproseassa áigge**

Meahciráđdehus háliida váldit sápmelaččaid kultuvrra hárjeheami eavttuid vuhtii buoremus vejolaš lági mielde.

- Rávvagiid iskkadeapmi Bátneduoddara dikšun- ja geavahanplánabarggus lea dehálaš Meahciráđdehussii. Stuorra earru ovddit plánema ektui lea, ahte dál árvvoštallan dahkko oppa plánaproseassa áigge, go árabut árvvoštalle gárvves plána váikkuhusaid sápmelaškultuvrii, guovluoaivámuš Elina Stolt muitala.

Sápmelaččaid juridihkalaš sajádaga ja sápmelaččaid ruovttuguovllu eanageavaheami plánema ovdideamis Akwé:Kon –rávvagiin lea stuorra váikkuhus.

- Jus Bátneduoddara dikšun- ja geavahanplána válmmaštallan lihkostuvvá bures, de Akwé:Kon –rávvagiid heiveheami livččii vejolaš váldit oassin eará dikšun- ja geavahanplánaid dahkamis ja maiddá luondduriggodatplána dahkamis, sámedikki sátnajođiheaddji Klemetti Näkkäljärvi vihkehallá.

Bátneduoddara dikšun- ja geavahanplána dárkkisteamis válmmaštallan bistá ainjuo dán jagi ja dárbbu mielde bargu jotojuvvo boahhte jagi.

Eaktodáhtolaš rávvagiidda lea addon daid oppalašvuoda luonddu deattuheami dihte mohawkkagiela namma Akwé:Kon, mii oaivvilda *buot luondduriikkas*.

### **Lassidiedut:**

Guovlluoaivámuš Elina Stolt, Meahciráđdehus, tel. +358 400 398 983

Sátnajođiheaddji Klemetti Näkkäljärvi, Sámediggi, tel. +358 50 524 2109

**Lassidiehtu** Akwé:Kon –rávvagiin sámedikki internetsiiduin suomagillii: [www.samediggi.fi/art8j](http://www.samediggi.fi/art8j)